

SKUPŠTINA KANTONA SARAJEVO

ZASTUPNICA U SKUPŠTINI KANTONA SARAJEVO

Mersiha Mehmedagić

MINISTARSTVO ZDRAVSTVA

ZASTUPNIČKA INICIJATIVA

Shodno odgovoru broj:10-37-9791-2/17 od 15.05.2017.godine ponavljam i dopunjujem zastupničku inicijativu na 26. Radnoj sjednici Skupštine Kantona Sarajevo.

Molim Ministarstvo zdravstva da razmotri ukidanje smjernica koje osiguranicima vremenski ograničavaju nabavku lijekova po cijeni koju priznaje ZZO KS, te da uskladi B listu u tom dijelu sa Federalnom B listom lijekova gdje tih ograničenja nema.

Zbog pritužbi korisnika lijekova iz kategorije Betahistina kojima su lijekovi poput Betaserc-a propisani kao redovna terapija i to duže od 3 mjeseca, molim da mi se dostavi:

- obrazloženje od strane Komisije za lijekove za ograničenje u smjenici,
- mišljenje ovlaštenih kontrolora za propisivanje lijekova iz Zavoda zdravstvenog osiguranja Kantona Sarajevo o opravdanosti propisivanja Betahistina duže od 3 mjeseca, te
- indikaciono područje za lijekove iz grupe Betahistina definisano od strane Agencije za lijekove i medicinska sredstva BiH.

OBRAZLOŽENJE

U cilju zaštite prava pacijenta da zbog finansijskih troškova ne smije biti lišen esencijalnog lijeka koji mu je potreban, molim Ministarstvo i gore navedeni Zavod da mi, shodno dopunama inicijative, dostave detaljno objašnjenje za ograničenja iz navedene smjernice.

Činjenica da ordinirajući ljekar, na osnovu dijagnostičkih pretraga i praćenja djelovanja lijeka kroz kontrole, nadzire upotrebu određenog lijeka, te da propisivanje lijeka dulje od preporuke (ukoliko je isto neopravdano) predstavlja nesavjesno liječenje, molim imenovane subjekte da razriješe dilemu da li se radi o nesavjesnom liječenju ili o uštedi na lijekovima usprkos opravdanosti terapije i interesima pacijenata.

Sarajevo, 24.05.2017.godine

Zastupnica:

Mersiha Mehmedagić